

安海通志

安藏通記

重修安徽通志卷一百七十七

人物志

名賢

舊志謂安徽山川融結扶輿清淑之氣代有所鍾然自周漢至我

聖朝道光之初所志安徽名賢僅十有八人而此十八人中惟閔子受學聖門朱子發明聖道張英事

聖祖仁皇帝三十餘年得與見知之列其次若管仲蹇叔文翁朱邑召信臣桓榮范滂劉宏包拯呂公著汪立信左光斗霸才循吏經生節義忠清之士也史稱李紳暴刻吳淵嚴酷猶取其節操才具又其次也至老子非今亳州人江南通志已詳辯之所當刪正者也李天祲為政持大體方苞秉經守禮學問湛深今垂補

三朝

列聖鑒其忠孝

宣宗稱為股肱心膂之臣深倚賴而人不知曹與張蓋後先輝映矣述

人物志名賢傳

周管仲夷吾者頤上人也華詒云管夷吾姬姓之後管仲之子也見索隱引世本少時常與鮑叔牙遊鮑叔知其賢善遇之已而鮑叔事齊公子小白管仲事公子糾及小白立公子糾死

管仲囚焉鮑叔遂進管仲管仲既用任政於齊桓公以霸九合諸侯一匡天下以區區之齊在海濱通貨積財富國強兵與俗同好惡故其稱曰倉廩實而知禮節衣食足而知榮辱上服度則六親固四維不張國乃滅亡下令如流水之源令順民心故

論卑而易行俗之所欲因而予之俗之所否因而去之其為政也善因禍而為福轉敗而為功貴輕重慎權衡桓公實怒少姬南襲蔡管仲因而伐楚責包茅不入貢於周室桓公實北征山戎管仲因而令燕修召公之政柯之會桓公欲背曹沫之約管仲因而信之諸侯由是歸齊史記本傳管子八十六篇在道家漢書藝文志七略云十八篇在法家

蹇叔鉅人秦之賢大夫也先是秦繆公授百里奚以國政讓曰臣不及臣友蹇叔蹇叔賢而世莫知臣常遊困於齊而乞食餒人徐廣曰臣一作錄張守節曰鉅地名在蒲縣蹇叔收臣臣欲事齊君無知蹇叔止臣得脫齊難遂之周王子頹欲用臣蹇叔止臣遂得免誅事虞君蹇叔止臣臣不用其言遂及於難是以知其賢於是繆公使人厚幣迎蹇叔以為上大夫繆公將襲鄭蹇叔不可公曰子不

重修安徽通志卷一百七十七

知也遂使百里奚子孟明視蹇叔子西乞術及白乙丙將兵行果敗於殽三將皆為晉所虜及晉歸三帥繆公素服郊迎嚮師而哭曰孤違蹇叔以辱三子作秦誓其篇中所謂一个臣蓋指蹇叔也史記正義

閔子名損字子騫齊人少孔子十五歲不仕大夫不食汙君之祿史記正義唐開元八年從祀孔子廟宋祥符元年封費國公

聖祖仁皇帝賜額曰德行之科遣江南學政內閣學士張廷樞懸宿州

閔子祠俾裔孫之在宿者世奉祠祭宿州志

按四庫目錄云閔子本宿人春秋時宿屬青州為齊地故家語以為齊人傳通

重修安徽通志

卷一百七十七

人物志

名賢

三

漢文翁臨江舒人少好學通春秋以郡縣吏察舉景帝末為蜀郡守仁愛好教化見蜀地僻陋欲誘進之選郡小吏開敏有材者張叔等十餘人遣詣京師受業博士或學律令減省少府用度買刀布蜀物齎計吏以遺博士數歲蜀生皆成就還與文翁以為有職用次察舉官有至郡守刺史者又修起學宮於成都市中招下縣子弟以為學官弟子為除更繇高者以補郡縣吏次為孝弟力田常選學官僮子使在使坐受事每出行縣益從學官諸生明經飭行者與俱使傳教令出入問聞見者榮之爭欲為學官弟子富人至出錢以求之繇是大化蜀地學於京師者比齊魯焉主武帝時乃令天下郡國皆立學校官自文翁為之始云文翁終於蜀吏民為立祠堂歲時祭祀不絕本傳朱邑字仲卿廬江舒人少為舒桐鄉舊夫廉平苛以愛利為

行未嘗笞辱人存問耆老孤寡遇之有恩吏民愛敬焉遷太守卒史舉賢良為大司農丞遷北海太守以治行第一入為大司農公正不可交以私貢薦賢士大夫多得其助者居處儉節祿賜以其九族鄉黨稱爵元年卒下詔稱賜賜邑黃金百斤以奉祭祀初邑病且死屬其子曰我故為桐鄉吏其民愛我必葬我桐鄉後世子孫奉嘗我不如桐鄉民其子葬之桐鄉西郭外民果共為起家立祠歲時祭祀至今不絕漢書召信臣字翁卿九江壽春人以明經甲科為郎出補穀陽長舉高第遷上蔡長其治視民如子超為零陵太守病歸復徵為諫大夫遷南陽太守信臣勤力有方略好為民興利務在富之時行視郡中水泉開通溝瀆起水門隄閘凡數十處以廣灌溉多至三萬頃作均水約束刻石田畔以防分爭禁止奢靡斥罷游

重修安徽通志

卷一百七十七

人物志

名賢

四

故吏民親愛號曰召父賜黃金四十斤遷河南太守治行第一竟甯中徵為少卿列於九卿卒於官元始四年詔祀百石卿士有節於民者歲時郡二千石率屬官行禮奉祠信臣家而南陽亦為立祠漢書和榮字春卿沛郡龍亢人少習歐陽尚書博士九江朱曾十五年不窺家園普榮奔喪九江因請教授王莽亂榮抱其經書與弟子逃匿山谷講論不輟明宗立為太子選求明經以榮弟子何湯言帝即召榮令說尚書甚善之拜為議郎使授太子每朝會輒令榮於公卿前敷奏經書拜為博士車駕幸太學會諸博士論難於前榮溫恭蘊藉辨明經義儒者莫及常令止宿太子宮侍講拜為少傅賜以輜車乘馬榮大會諸生陳其車馬印綬曰今日所蒙稽古之力也建武三十年拜為太常顯宗即

位尊以師禮乘輿常幸太常府令榮坐東面設几杖天子親自執業永平二年三班初成拜榮為五更封為關內侯及卒帝變服臨喪送葬賜家於首山之陽後漢書范滂字孟博汝南征羌人謝承書口放南鄉人少厲清節為州里所服孝廉光祿四行時冀州饑荒盜賊羣起以滂為清詔使案察之登車攬轡慨然有澄清天下之志及至州境守令自知賊計望風解印綬去遷光祿勳主事兼官歸復為太尉黃瓊所辟後詔三府掾屬舉諱言滂奏刺史二千石權豪之黨二十餘人尚書責滂所劾猥多疑有私故滂對曰嬰夫去草嘉穀必茂忠臣除姦王道以清若臣有二甘受顯戮滂視時艱知意不行因投劾去太守宗資聞其名請署功曹委任政事嚴整疾惡其有行違孝悌不軌仁義者皆掃跡斥逐顯薦異節抽拔幽

車修安徵通志

卷百七十七

人物志

五

陶中人以下莫不歸怨乃指滂之所用以爲范黨後牢修諫言
 鉤黨滂坐繫黃門北寺獄獄吏謂曰凡坐繫皆繫泉陶滂曰泉
 陶古之直臣知滂無罪將理之於帝如其有罪繫之何益獄吏
 將加掠考滂以同囚多嬰病乃請先就格與同郡袁忠爭坐楚
 毒和帝使中常侍王甫以次辨結滂忠越次而進王甫詰曰君
 爲人臣不推忠國而共造部黨諸所謀結並欲何爲滂曰臣聞
 仲尼之言見善如不及見不善如探湯欲使善善同其清惡惡
 同其汙謂王政之所願聞不悟更以爲黨甫曰卿更相拔舉迭
 爲奸商有不合者見則排斥其意如何滂乃慷慨仰天曰古之
 循善自求多福今之循善身陷大戮身死之日願埋滂於首陽
 山側上不負皇天下不愧夷甫慨然改容乃得並解桎梏車
 釋南歸汝南南陽士大夫迎之者數千兩同因鄉人殷陶黃種

亦免俱歸並衛侍於傍應對賓客滂謂之曰今子相隨是重吾
 禍已遂避還鄉里初滂等繫獄尚書臺請理之及得免往候請
 而不謝或讓之對曰叔向嬰罪邢奚救之未聞羊舌有謝恩之
 辭祁老有自伐之色建甯二年大誅黨人詔下急捕滂等督郵
 吳舉至縣抱詔書閉傳舍伏牀而泣滂聞曰必爲我也卽自詣
 獄縣令郭揖大驚出解印綬引與俱亡滂曰死則禍塞何敢以
 罪累君又令老母流離乎其母就與之決滂白母曰仲博孝敬
 足以供養仲博滂從龍舒君歸黃泉謝永書曰滂父歸惟大
 人割不忍之恩勿增戚戚母曰汝今得與李杜齊名死亦何恨
 既有令名復求壽考可兼得乎滂拜受教顧謂其子曰吾欲使
 汝爲惡則惡不可爲使汝爲善則我不爲惡行路聞之莫不流
 涕時

車修安徵通志

卷百七十七

人物志

六

晉劉安字和季沛國相人有幹略政事之才起家太子門大夫
 累遷南朔將軍假節監幽州諸軍事甚有威惠寇盜屏跡以勳
 德兼茂封宜城公太安中張昌作亂轉使持節南蠻校尉荆州
 刺史討昌自方城至宛新野所向皆平進鎮南將軍都督荊州
 諸軍事遣軍討昌斬之時荆部守宰多闕安請補選帝從之乃
 敕功餘德隨才補授甚爲論者所稱於是勸課農桑寬刑省賦
 歲用有年百姓愛悅舊制視方二山澤中不聽百姓捕魚安下
 教曰禮名山大川不封與共其利今公私兼戶百姓無復屠手
 地當何謂耶其速改此法益州刺史羅尚爲李特所敗遣使告
 急請糧安移書贈給州府綱紀以運道懸遠文武匱乏欲以米
 五千斛與之安曰天下一家彼此無異遂以零陵米三萬斛給
 之論平張昌功應封次子一人縣侯上疏固讓許之進拜侍中

鎮南大將軍開府儀同三司惠帝時天下亂安專督江漢威行
 南服前廣漢太守羊丹說以縱橫之事安大怒斬之陳敏寇揚
 州引兵欲西上乃解南蠻以授蔣超統江夏太守陶侃等也於
 夏口侃與敏同郡同歲舉更有間之者安不疑之以侃爲前鋒
 督護委以討敏之任侃遣子及兄子爲質安遣之曰賢叔征行
 君祖母年高便可歸也匹夫之交尚不負心何況大丈夫乎承
 興三年詔進號車騎將軍餘官如故安每有興廢手書守相丁
 甯款密人皆咸悅咸曰得劉公一紙書賢於十部從事及東海
 王越奉迎大駕宏遣劉鑒率諸軍會之自以老疾將解州及校
 尉分授所部未及表上卒於襄陽士女嗟痛若喪所親宏卒司
 馬郭勛欲推成都王穎爲主宏子瑤討勛斬之東海王越表贈
 宏新城郡公諡曰元節

車修安徽通志

卷一百七十七 人物志 名賢

七

唐李紳字公垂亳州譙人。中書令敬元之曾孫也。六歲而孤。哀等成人。母盧躬授之學。於詩最有名。葬母有烏銜芝。堅輟車元。和初擢進士第。補國子助教。去客金陵。李錡辟掌書記。錡沒。不法。紳數諫。不入。欲去。不許。會朝廷遣使召錡。紳督使者為眾。奏。謂召紳作疏。紳伴桶粟。不能成。字下筆。軌塗其盡。數紙。錡罵之。曰。不憚死耶。即對曰。得死為幸。怒而囚之。錡誅乃免。或欲以聞。謝曰。本激於義。非市名也。久之。穆宗召為右拾遺。翰林學士。累擢中書舍人。遷御史中丞。敬宗即位。為李逢吉所陷。貶端州司馬。紳南逐。歷封康。開。端。瀨。陰。溫。惟。乘。漲。流。乃。濟。康。州。有。嫗。龍。祠。紳以書禱。俄而大漲。後天子感悟。得徙江州。長史遷滁。壽。二州。刺史。崔山多虎。獺。茶者病之。治機。斧。發。民。迹。射。不能止。紳至。盡去之。虎不為暴。以太子賓客。分司東都。開成初。為河南尹。河南

多惡少。危輒散衣。擊毬。官道車馬不敢前。紳治剛嚴。皆望風避。去。還宣武。節度使大旱。蝗不入境。武宗即位。徙淮南。召拜中書侍郎。同中書門下平章事。進尚書右僕射。門下侍郎。封趙郡公。居位四年。以足緩辭位。以檢校右僕射。平章事。復節度。淮南卒。贈太尉。諡文肅。紳書

宋包拯字希仁。廬州合肥人。始舉進士。除大理評事。出知建昌縣。以父母老。辭官歸養。後數年。親繼亡。廬墓終喪。猶徘徊不忍去。久之。赴調。知天長縣。徙知端州。端產硯。前守緣貢。率取數十倍。以遺權貴。拯命製者才足貢數。歸口不持一硯。改監察御史。使契丹。契丹合典客謂拯曰。雄州新開使門。乃欲誘我叛人。以刺疆事耶。拯曰。涿州亦嘗開門矣。刺疆事何必開使門哉。其人遂無以對。歷三司戶部副使。奏罷醜科。行務造船材木及七

車修安徽通志

卷一百七十七 人物志 名賢

八

洲出賦。河橋竹索數十萬。契丹聚兵近塞。邊郡稍警。命往河。且調發軍食。拯以邢洺道三州民田萬五千頃。率用牧馬。請悉以賦民。從之。經度解州鹽法。一切通商。除天章閣待制。知諫院。數論斤權。擢大臣。請罷一切內除。曲恩。又列上唐魏鄭公三疏。願置之左右。以為龜鑑。又上言。天子當明聽納。辨朋黨。惜人才。不主先入之言。凡七事。朝廷多施行之。除龍圖閣直學士。河北都轉運使。請罷河北屯兵。分之河南。諸郡借戍兵。不可遽減。請訓練義勇。少給餼糧。不報。徙知瀛州。揚州。廬州。池州。江甯府。召權知開封府。遷右司郎中。立朝剛毅。貴戚宦官為之斂手。聞者皆憚之。人以其笑比黃河清。童稚婦女亦知其名。呼曰包待制。京師為之語曰。關節不到有閭羅。包老舊制。凡訟訴不得徑造。庭下。拯開正門。使得至。前陳曲直。走不敢欺。中官勢族。築園榭。侵

惠民河。以故河塞。拯悉毀去。遷諫議大夫。權御史中丞。奏乞豫建太子。仁宗曰。卿欲誰立。對曰。臣為萬世計也。陛下問欲誰立。是疑臣也。臣年近七十。無子。非選後福者。帝喜曰。徐當議之。以樞密直學士。權三司使。凡諸筦庫供上物。舊皆科率外郡。拯為置場。和市民得無擾。遷給事中。拜樞密副使。遷禮部侍郎。辭不受。尋以疾卒。年六十四。贈禮部尚書。諡孝肅。有奏議十五卷。宋史

呂公著字晦叔。壽州人。幼嗜學。父夷簡。諸異之。登進士第。通判潁州。郡守歐陽修與為講學之友。判吏部南曹。仁宗嘉其恬退。英宗親政。為龍圖閣直學士。方議追崇漢王。或欲稱皇伯考。公著曰。此真宗所以稱太祖。豈可施於王及下詔稱親。且班諱又言稱親。則有二父之嫌。王諱但可避於上。前不應與七廟同諱。三

車修安徽通志

卷百七十七

人物志 名賢

九

呂晦等生論濮王去公著言屢細言者何以風示天下不聽遂乞補外出知蔡州神宗立召爲翰林學士知銀臺司司馬光以論事罷中丞還經帳公著封還其命熙甯初知開封府時淫雨地震上疏請遠佞人二年爲御史中丞王安石方行青苗法公著極言之安石怒其深切帝使舉呂惠卿爲御史公著曰惠卿固有才然奸邪不可用安石愈怒誅以惡語出知樞密院事翰林學士承旨改端明殿學士知審官院未幾同知樞密院事有欲復肉刑者議取廷因試則剛公著曰試之不死則肉刑遂行矣乃止夏人幽其主將大舉討之公著曰問罪之師當先擇帥苟未得人不如勿舉及兵興秦晉民力大困元豐五年以疾召去位除資政殿學士定州安撫使俄承慶城陷帝臨朝歎曰邊民疲弊如此獨呂公著爲朕言之耳徙揚州加大學士將立

車修安徽通志

卷百七十七

人物志 名賢

一

臣公著乃集所講書要語明白切於治道者凡百篇進之以爲聖學之助三年四月懇辭位拜司空同平章軍國事宋興以來宰相以三公平章軍事者四人公著與父居其二士黜其榮明年二月薨年七十二太后深痛閔之帝亦悲感親臨賜奠贈太師申國公諡曰正獻御書碑首曰純誠厚德始與王安石善安石兄事之安石博辯騁辭人莫敢抗公著獨以精識約言服之安石嘗曰疵吝每不自勝一詣長者即廢然然後安石得志意其必助己而數以公議列其過失以故交情不終於講說尤精語約而理盡司馬光曰每聞晦叔講便覺己語爲煩其爲名流所敬如此

宋熹字元晦一字仲晦徽州婺源人司勳吏部郎松之子也始就傅授以孝經一閱題其上曰不若是非人也嘗從羣兒戲沙上獨端坐以指畫沙視之八卦也中紹興十八年進士第除泉州同安簿選邑秀民充弟子員日與講說聖賢修己治人之道禁女婦之爲僧道者孝宗即位應詔上封事言帝王之學必先格物致知以極夫事物之變則自然意誠心正而可以應天下之務次言修攘之計不時定者講和之說誤之次言四海利病係斯民之休戚斯民休戚係守令之賢否監司者守令之綱朝廷者監司之本也本原之地不可以不加意隆興元年復召人對其言大學之道在乎格物以致其知其二言君父之體不與共戴天湯思退洪适繼相皆主和議論不合歸屢召不起淳熙五年除知南康軍再辭不肯至郡典利除害值歲不雨講求荒政多所全活開諸郡學引進士子與之講論訪白鹿洞書院遺趾奏復其舊爲學規俾守之明年夏大旱詔條具民閒利

重修安徽通志

卷百七十七

人物志 名賢

十一

病遂上疏言恤民之本在人君正心術以立紀綱不報旋錄數荒之勞除直祕閣會浙東大饑宰相王淮奏改提舉浙東常平茶鹽公事人對陳七事上為動容始拜命即移書他郡募米商蠲其征及至則客舟之米已輻輳日按行境內鈎訪民隱郡縣官吏憚其風采至自引去政有不便於民者悉釐革之上謂王淮曰朱某政事卻有可觀時鄭丙詆程氏之學以陰阻之遂乞奉祠周必大相除提點江西刑獄以疾辭不許遂行有要之於路以為正心誠意之論上所厭聞戒之勿言答曰吾生平所學惟此四字豈可隱默以欺吾君乎及召對上曰浙東之事朕自知之今當處卿清要不復以州縣相煩也翼日除兵部郎官以足疾旬祠本部侍郎林栗以論易西銘不合力詆其偽栗雖坐黜亦允其辭除直寶文閣主管嵩山崇福宮授醴進封事言天下之大本與今日之急務大本者陛下之心急務則輔翼太子選任大臣振舉綱紀變化風俗愛養民力修明軍政六者是也疏入上已就寢亟起秉燭讀之明日除主管太一宮兼崇政殿說書力辭除祕閣修撰奉外祠光宗即位降詔獎諭除江東轉運副使改知漳州奏除屬縣無名之賦七百萬減經總制錢四百萬以俗未知禮采古喪葬嫁娶之儀命父老以教子弟禁男女聚僧廬為傳經會史浩人見請收天下人望乃除祕閣修撰主管南京鴻慶宮再辭詔論撰之職以寵名儒乃拜命未幾差知潭州力辭有旨長沙巨屏得賢為重遂行會洞獠擾屬郡論以禍福皆降之興學校明教化四方學者畢至肅宗即位趙汝愚首薦除煥章閣待制講每以所講編次以進上亦開懷容納又奏絕上進德斥左右竊柄之失惕然以韓侂胄用事為慮

特旨升列十哲之次

既屢為上言又數以手書啟汝愚有防微杜漸之語汝愚方以其易制不以為意慶元元年汝愚以誣逐權歸侂胄矣二年沈繼祖誣以十罪詔落職罷祠四年以年近七十中乞致仕五年依所請明年卒年七十一自登第五十年任於外者九考立朝纔四十日此後偽學之禁甚嚴嘉泰初稍弛二年詔除華文閣待制與致仕恩澤諡曰文恭贈中大夫特贈寶謨閣直學士理宗寶慶二年贈太師追封信國公改徽國紹定末祠書郎李心傳乞與司馬光周敦頤邵雍張載程頤程頤列於從祀不報淳祐元年正月上視學手詔與周張二程同從祀孔子廟

宋史

重修安徽通志

卷百七十七

人物志 名賢

十一

吳淵字道夫宣州人補按舊志作宣城今依宋史吳乘驥傳更作宣城人祕閣修撰柔勝子也五歲喪母哀慕如成人嘉定七年舉進士調建德縣主簿時開化新置尉丞相史彌遠欲以處淵對曰甫得一官何敢躁進彌遠改容不復強丁父憂詔起復力辭不許復辭且貽書政府曰人道莫大於事親事親莫大於送死官哀求榮大節掃地何以事君時丞相史嵩之方起復或曰語得無礙乎淵不顧服除知武陵縣改場子入為將作監再遷書丞出知平江府兼節制許浦水軍提點浙西刑獄盜起淵遣將士捕之殲其渠魁散其支黨以功累進右文殿修撰適政府欲用兵中原淵力陳其不可出知江州未幾邊事果如淵言改知鎮江府定防江軍之擾遷太府少卿進權工部侍郎以寶章閣直學士知太平州尋兼江東轉運使兩淮民流徙入境者四十餘萬慰撫而賑濟之境內肅然升華文閣學士知隆興府

重修

安徽通志

卷百七十七

人物志

名賢

主

江西安撫使會歲大祲講行荒政全活者七十八萬九千餘人加敷文閣學士改知鎮江歲亦大祲因淵全活者又六十五萬八千餘人丁母憂服除進龍圖閣學士知江州尋爲沿江制置副使兼提舉南康軍兵甲公事節制斬黃安慶屯田使湖南嗣寇入江右境袁洪大震淵遣將調兵生擒其魁亂遂平遷兵部尚書知平江府兼浙西兩淮發運使歲又大祲因淵全活者四十二萬三千餘人以功進端明殿學士知建康府兼行宮留守節制和州無爲軍安慶府兼三郡屯田使朝廷付淵以光豐斬黃之事凡冊司空山燕家山金剛臺三大岩嶺峨峨山鷹山竹子山等二十二小岩關丁壯置軍分立隊伍星聯幕布詔以淵與利除害所列二十五事究心軍民拜資政殿大學士封金陵侯賜袞結堂忠勤樓大字進爵爲公改知甯國府累辭句祠提舉

重修

安徽通志

卷百七十七

人物志

名賢

主

民夏稅貧病及雨雪旱潦皆有給與學校變士習以潭爲湖湘重鎮荆威敵軍所募精銳數千人後來皆賴其用權兵部尚書荆湘安撫制置知江陵府時襄陽圍急立信上疏請益安陸屯兵不報乃移書似道謂爲今之計其策有三盡出內郡兵置之江干以實外禦距百里而屯屯有守將十屯爲府府有總督選宗室親王忠貞有幹用大臣立爲統制分東西二府互相應援以爲聯絡之固成率然之勢爲上策久拘聘使無益於我徒使敵得以爲辭請禮而歸之許輸歲幣以緩師期邊遽稍休藩垣稍固生兵日增可戰可守爲中策二策果不行則衝壁與輿之禮請倘以俟立信日微眇似道得書大怒抵之地詎曰睹賊狂言敢爾中以危法廢斥之咸淳十年元兵大舉伐宋似道督諸軍出次江上起立信爲端明殿學士沿江置制使江淮招討使就建康募兵受詔不辭即日上道與似道遇蕪湖似道哭曰不用公言以至於此立信曰睹賊今日更說一句不得似道問何向曰某去尋一片趙家地上死第要死得分明爾旣至建康則守兵悉潰四面皆北軍乃率所部至高郵欲控引淮漢以爲後圖已而聞似道師潰江漢守臣望風降遁歎曰吾今日猶得死於宋土也適召賓佐與訣手爲表起居三宮夜分起步庭中慷慨悲歌扼腕而卒以光祿大夫致仕遺表闕贈太傅愛將金明以立信之喪歸葬丹陽元相巴延入建康或以立信二策告請戮其孥巴延歎息久之曰宋有是人有是言哉使果用我安得至此子麟不肯降崎嶇走閩以死

命工寫像以賜生平多隱德外和內剛一私不染薦拔賢俊如不及未

嘗使其人知又廣義田以贍宗族蕭家範以率子弟一門感勵

名節溫恭謹稱江左第一家風學問醇博所著有易書衷論

及存誠堂篤素堂文集康熙四十年冬

予告回籍四十七年卒於家年七十二

御祭恤葬逾恒制諡曰文端

世宗憲皇帝御極之初有甘盤舊學之思

贈太子太傅崇祀京城賢良祠復

賜祭於本籍又

御書祠宇扁額有忠純貽範師模如在之

袁恩禮之渥罕有倫比

方苞字靈泉桐城人上元籍康熙丙戌進士未

重修安徽通志卷百七十七人物志名賢

廷試聞母疾遽歸旋丁父憂五十年以戴名世案論斬蒙

恩赦宥蘇旗籍

命直南書房蒙養齋恭校

御製樂律算法諸書

世宗登極加恩出旗籍假歸葬母還授左中允洊升內閣學士

命教習庶吉士充一統志總裁

高宗嗣位方欲追踐古禮行三年喪

詔羣臣議苞欲復古人以次變除之制具條其議禮部尚書魏廷珍上

之格不行乾隆元年

命選有明與

國朝制藝疏陳地丁四月完半之害請復舊制又言歲饑當令有司

俾發倉粟平糶勿拘常制又言河南祥符等五十州縣自改

折銀徵本色民困不支請應折徵官為承買俱下部議行又疏
請凡遇水旱五六月即當實報七月中即核分數災重者勅帑
金舉要工壯者以工代賑老弱計口授食則易周而可久又疏
陳食貨豐耗之故應飭官司督民樹畜令紳士籌開水利以裕
其源禁燒酒種菸禁米出洋以節其流二年遷禮部右侍郎請
矯除積習興起人才求

主上勤心以察依類以求按實積久以磨礱之信實必罰以勸懲之語

尤切至四年以事落職

命在三禮館修書周官義疏成

上曹覽發刻七年以衰病乞解書局

賜侍講銜致仕歸十四年卒於家年八十二苞事親至孝學務篤實解

經之書莫不詳究其說經皆推衍程朱之緒尤致力於春秋

重修安徽通志卷百七十七人物志名賢

禮其文嚴於義法非闡道翼教有關人倫風化不苟作至今言

古文者多宗之所著有周官辨周官集注周官析疑禮記析疑

喪禮或問儀禮析疑春秋通論春秋直解春秋比事目錄左傳

義法舉要及望溪文集又刪定管子荀子史記注補正離騷正

義刪定通志堂宋元經解而奉

命所纂之書不與焉

題准祀鄉賢祠

曹振鏞字儵笙歙縣人尚書文垣子乾隆辛丑進士歷官至大

學士居相位凡二十二年卒年八十一其在乾隆時由編修超

擢侍講督學河南

高宗稱其聲名甚好嘉慶三年以詹事督學廣東父憂歸服除祖母歿
期年始來京補官

仁宗稱其孝以通政使充

實錄館總纂尋充副總裁十二年以工部尚書充正總裁

高宗純皇帝實錄告成加太子少保十八年以吏部尚書協辦大學士

甫五日補

體仁閣大學士

費平定滑城功以振鋪職任綸扉晉太子太保自十九年七月至二十

五年七月

仁宗謁

陵六次秋獮木蘭五次皆

命留京辦事

宣宗御極簡任軍機大臣充

實錄館監修總裁官恭理喪儀道光元年

重修安徽通志卷百七十七人物志名賢

仁宗睿皇帝奉安禮成恭題

神主晉太子太傅三年

賜宴玉瀾堂繪像爲十五老臣之

御賜詩句云絲綸佐朕彌謨謨忠獻贊贊勸勸四年

仁宗睿皇帝實錄告成

賞戴孔雀翎七年以喀什噶爾用兵襄贊機務夙夜勤勞

硃諭晉太子太師八年生擒首逆張格爾捷音至

硃諭晉加太傅賞用紫轡四月圖像

紫光閣

御製軍機大臣像贊并序曰西陲用兵諸臣夙夜在公盡心盡力與朕

同一憂勤而曹振鏞公正慎勤班聯領袖尤能殫心揀實鉅細無遺

御製贊曰親政之初先進正人密勿之地心腹之臣問學淵博獻替精

醇克勤克慎首蒙綸綸十一年

上五旬萬壽加恩臣工以振鋪並無處分

賞戴雙眼花翎十四年

宣宗恭謁

命留京辦事十五年正月以疾卒於位

諭曰大學士曹振鏞服官五十餘年歷事

三朝年踰八表因疾請假派員存問優加恩學誼意數日遽成長往賴

失腹心之臣不覺聲淚俱下悼惜難堪著加恩人祀賢良祠朕於本

月二十九日親臨賜奠又

諭曰朕親政之初見大學士曹振鏞人品端方學問優長特授爲軍機

大臣用資披沃十四年餘靖恭正直歷久不渝雖身躋崇要小心謹

重修安徽通志卷百七十七人物志名賢

恪勤循矩法從未稍踰愆尤凡所陳奏均得大體老成持重著忠

勤實朕股肱心膂之臣從前訖隆年開大學士劉統勳嘉慶年間大

學士朱廷印蒙

皇祖高宗純皇帝

卓考仁宗睿皇帝鑒其忠節

賜諡文正易名之典備極優隆曹振鏞實心任事體用兼優外貌峭然

而獻替不避嫌怨朕深倚賴而人不知於諸諡法實足以當正字而

無愧著賜諡文正用副朕眷懷良輔寵錫嘉名至意並准其人祀賢

良祠

命忠郡王前往賜奠靈柩起程回籍

命御前侍衛道慶前往奠醊到籍

賜祭葬如例初振鏞六十生日

仁宗御書綸閣延暉扁額謹以名其詩文曰綸閣延暉集又有話雲軒
詠史詩史鑑鈔傳新修

重修安徽通志卷五十七人物志名賢

三

重修安徽通志卷一百七十八

人物志

宦績

舊志他省人官安徽有治狀者曰名宦傳在職官安徽人官他省有治狀者曰宦績傳在人物然如朱邑陳鳳也孫宜歷本郡及近世教職官於本省則列治狀於人物而表姓名於職官其有官職治狀而載於名賢忠節儒林文苑武功中者則以論定生平舉其所重與所長而治狀亦自不沒也自漢唐以來至我聖朝道光之初文通武達具載舊志未載者今並增補重複者分別刪存偶未檢者如河南呂益誤列宛陵閣黨潘汝楨濫踣方左之類概就刊削益以道光以後之政聲卓著者賡續之俾方來於式副

重修安徽通志卷一百七十八 人物志 宦績

平人子械樓官人之盛焉述人物志宦績傳

安慶府

吳陳修廬江松滋人偏將軍武之子也幼有父風年十九孫權召見拜別部司馬授兵五百人時諸將新兵多有逃叛而修撫循皆得其意不失一人權奇之拜為校尉後追錄功臣之後封都亭侯為解煩督

陳表字文興武之庶子修之弟也少知名與諸葛恪等並侍東

宮徙太子中庶子拜翼正都尉兄修亡後表母不肯事修母表勸以大義二母感悟雅穆如初表以父死敵場求用為將領兵

五百人傾意結納士皆愛附無難壯士施明盜官物考掠不承權以付表表以誠相感明遂首服且保任之明得不誅後明感

恩卒為善士遷無難右都督封都亭侯以繼舊爵表請讓於修

重修安徽通志卷一百七十八 人物志 宦績

其家而逐婦因憤恚發狂卒為治其妾反其資婦遂愈郡人傳

王琪字君玉罕從子也兒童時已能為歌詩起進士調江都主

簿士時務十二事仁宗嘉之除館閣校勘集賢校理帝宴太清

樓命作山水石歌琪獨蒙褒賞詔通判舒州歲饑奏發廩救民

未報先賑以公租貸不聽琪挺身任之歷兩浙淮南轉運使修

起居注知制誥久之以龍圖閣直學士知鄧州轉運使徙知江甯

府多火災或託以鬼神人不敢救琪召庸選作賞捕之法得姦


人誅之火患遂熄復知制誥加樞密直學士知鄧州從揚州入

判太常寺又出知杭州揚州潤州以禮部侍郎致仕卒琪性孤

介不與時合數歷東南名鎮政尚簡靜葬於真州詔真揚二州

發卒護其窆蓋異數也

宋史王琪傳



張漢卿桐城人監興國軍筦庫與太守論事不合卽和歸去來辭歸隱三十年後趙汝愚特薦之詞類

潘琛宿松人嗜學謁尹焞盡質所疑登紹興進士授廬州司戶參軍蒞事勤敏升祁門丞教崇禮讓士民化之江南通志

李安仁安慶府人慶元中爲寶豐令軫恤民隱作興土類開渠以興水利三年之間致民富庶百弛具舉有能聲一名名

元虞執中字伯權望江人至元間進士授將仕郎居官恪謹公事無滯江南通志

明吳善桐城人洪武初官廣平知府上御下嚴善恪修其職帝悅之惠施百姓政聲焯焯江南通志

黃敏字宗學桐城人洪武初歷兵部員外郎奏罷糧運不便者數事以忤旨左遷上林監丞升長蘆鹽運副使鹽弊肅清有奸

重修安徽通志卷百七十八人物志 官職 三 安徽府

奄私販以事誅敏謫戍興州廷臣交薦復遷工部虞衡司權廣西按察副使所至威惠並茂有古憲臣風江南通志

錢時字時中桐城舉人官刑部主事執法不阿李善長坐胡黨時白其冤上怒連坐死獄中江南通志

夏儒潛山人刑部主事發奸摘伏如神升福建僉事同邑劉誥官湖廣道御史不避權貴左遷新淦縣丞興利革弊廉慎之行始終如一安徽府志

葛崇潛山人洪武初徵爲都察院檢校升山東道御史出按雲貴有嚴明之聲凡讞獄必求其情疑獄不輕入時無冤民致仕

趙中孚字允中懷甯人洪武初知萬載縣時紅巾殘毀之後民轉徙不遑城中不滿百戶中勞來安撫悉復縣郭置七坊廟縣廳

誰樓廟學皆其所建江南通志

吳普隆宿松人洪武初官福建左布政制設法制裁決庶務一無所苟而事皆中理旬宣之政至今稱之以疾卒官江南通志

劉壽字尚載太湖人洪武間以貢歷知柳州嘉興甯波西安長沙彰德汀州諸府咸有政績爲政寬厚不施鞭朴其在長沙有不法者反覆勸諭人皆感化去之曰父老擁泣爭挽其升官終

雲南參政柳州長沙皆立祠祀之一名名

呂衡字仕平太湖人洪武間以貢薦授監察御史遇事敢言奉詔之陝西體察機務還奏稱旨巡按陝西風裁甚著貪墨皆望風解綬去其孫讀字廷揚成化丙戌進士知新城縣剛介精敏

豪右斂跡升戶部主事江南通志

羅彥章望江人洪武中知寶慶府有善政江南通志

重修安徽通志卷百七十八人物志 官職 四 安徽府

劉瑩字仲瑀桐城人承業終未進士官御史歷承平廣平二郡守爲政平易人歌曰太守政平二郡皆甯江南通志

陳務本字立卿桐城人承業開官武昌同知除五強創十利又捐資修黃鶴樓祿入爲壽治如也同邑許友進官御史以直聲顯忤中貴指遂告歸江南通志

孫源潛山人承業初官御史性剛介以言事忤旨出爲重慶府推官有政皆同邑方復字誠軒承業壬辰進士入翰林侍宸翰

文宋奕奕名重一時安徽府志

鄧恂宿松人承業開知葉縣公勤廉恕民戴之如父母以艱去請當道乞奪情者數百人服闋除內鄉地降山險與學校平獄訟勸諭將無一不盡其誠民成德之子義以舉人任石首松陽汝陽教諭訓誨有方致仕家居以風教自任安徽府志